

Pathen Ben Thumkhat Coengna, Jesus Kah Muithla Oen Pathen Kah Ram

Caciim Teeham: Cel.1:3, 2:32-36, 8:12, 14:22, 16:6-7, 20:28, 28:23, 31

I. Pathen ben thumkhat coengna tah awlkhueh thai apum boeih kah tungtlangla a awm angla, Pathen ben thumkhat coengna tah celtuih cabu kah arimawng la awm. Celtuih cabu kah aboel pakhat coeng pakhat ah Pathen kah awlkhueh thai kamthlahna te khuen hamla Pathen ben thumkhat coengna kah tlaihvawng bisaina te a awng – 1:1-2, 4-5, 8, 11, 21, 2:4, 17-18, 21-24, 27, 31-33, 36, 38, 13:2, 4, 7, 9-10, 12, 16, 23, 30, 33-39, 49-50, 52, 28:15, 23, 25, 31.

- A. Thumkhat Pathen – Pa, Capa oen Muithla – tah Capa kah vaan luina oen Muithla te asuepna oen asoepbirla thuum – 2:32-36.
 - 1. Capa tah vaan alui coeng, Pa tah Bawipa te apawmsaang tih, Muithla lawng asuepna awm – Luk.24:51, Phil.2:9, Cel.1:9-11, 2:32-36.
 - 2. Pa, Capa oen Muithla tah patoeng toeng aka poeng thumkhat Pathen kah asoepbirna la Muithla te asuepna oen haih khukdah u - athaan.33, Joh.7:37-39, Phil.1:19.
- B. Celtuih 16:6-7 dawngah *Ciim Muithla oen Jesu kah Muithla* te (koop) ahawna tah Jesu kah Muithla tah Ciim Muithla la awm tite a atuengna la awm.
 - 1. Ciim Muithla tah awlkhueh thai dawngah Pathen kah Muithla kah awlpui koek aming la awm – Cel.9:17, 31.
 - 2. Thumkhat Pathen te aka sang hawpai la Paul tah Ciim Muithla oen akhawseh, Jesu kah Muithla oen akhawseh soepbir tuhphana adang – Efe.3:14-17, Luk.1:35, Cel.2:32-36, Phil.1:19.
 - 3. Pathen hamla mami lawng n'sai bibi thaihu tah mami te lawng aka nueh, aka thuinuet, cangpui lawng aka nueh, tuhpha pela aka awm kungla Muithla kah thaihu sawah awm. Soeprep boeih aka thum Muithla tah mami kah tuhpha kungla acoeng vengah, mami kah bibi tah he Muithla kah atuengna la awm poen ai – Cel.16:6-7, Rom.8:9, Phil.1:19.
- C. Pathen lawng thlangboel te “amah kah athi oen” adangna la awm – Cel.20:28.
 - 1. Pathen lawng thlangboel te “amah kah athi” aphu te apeekna rangoen alai.
 - 2. Mami kah Pathen, suen kung, dungzaan la aka awm Bawi tah thlaanghingla acoengna kalawng patoeng thlaang oen haih thooek hih – Joh.1:1, 14.
 - a. Athaihtak la Bawipa tah Pathen bueng tlaihnawh tih – Bawipa tah Pathen – thlaang la vacoeng tih, thisa aka awm thlaang, mami ham aduek hamla aka sai thai thlaangla awm – 1Joh.1:7.
 - b. Pathen – thlaang la aka awm Bawipa Jesu tah thinglam sawah aduek vengah Bawipa tah thlaang pakhat bueng ouhla Pathen la khaw duek.
 - 3. Bawipa lawng alaawngsak athisen tah thlaanghing Jesu kah athi bueng nawh tih, Pathen – thlaang kah athi la khaw awm.
 - 4. Tedawngah Pathen lawng thlangboel te adang Bawipa kah athi tah “amah kah athi” la awm – Cel.20:28.

II. *Jesu kah Muithla* tah Pathen kah Muithla oen tukhai la athloeh cala atuengna la awm tih, thlaanghing acoengna dawngah Jesu la thlaanghing oen thinglam sawah aduekna te aka poeng kungla thlaanghing thlawnkung kah Muithla te athuingaihna la awm – 16:7.

- A. Jesu kah Muithla dawngah Pathen kah Pathen ben pouplih bueng ouhla, Jesu kah thlaanghing pouplih oen Bawipa kah athlaanghing oen aduekna patang tlawhnathli la apouplih thli khaw thum – 1:3.
- B. Jesu kah Muithla te mami lawng Pathen ben hingna la n'hingsak thai hamla tah Bawipa dawngah Pathen coengna oen haih Pathen kah Muithla la a awm bueng muehla, mami lawng aka soeng thlaanghing te n'hing hamla he kah patang khawngnathli te asanla ueh thaisakna hamla Bawipa dawngah athlaanghing oen haih thlaang Jesu kah Muithla la khaw awm – Rom.8:18, 2Kor.1:5.
 - 1. Paul tah amah kah patang khangna dawngah Jesu kah Muithla te angoe, akawng tah Jesu kah Muithla dawngah patang akhangna pouplih oen patang peekna te aueh thaina hamla patang akhang thai tharaana akhueh dawngah ni – Kol.1:24, Cel.9:15-19, 16:7.
 - 2. Tihin mami lawng awlthangtheen phawngna dawngah khaw mami tah kalhna oen patang peekna te taawng hamla Jesu kah Muithla te n'ngoe.
- C. Jesu kah Muithla dawngah Ciim Muithla lakah tare athumna awm – athaan. 6-7.
 - 1. Ciim Muithla dawngah Bawipa Jesu kah thlaanghing acoengna oen cuunna thuum – Luk. 1:35, Math. 1:18, 20.
 - 2. Jesu kah Muithla dawngah Bawipa kah thlaanghing acoengna, athlaanghing, soeprep boeih aka thum aduekna, hingna aka rekra thawhkoepna oen vaan luina thli thum – Cel.1:1-3, 8, 2:23, 32, 36.
- D. Khrih kah Muithla tah Khrih kah asoengna angla, Jesu kah Muithla tah Jesu kah asoengna la awm – Rom.8:9, Cel.16:7.
 - 1. Mami dawngah Jesu kah Muithla awmnawh kawinih Jesu tah mami tengah asoengna awm manawh.
 - 2. Jesu tah mami tengah asoengna tah mami dawngah Jesu kah asoengna, zakmingna la Jesu kah Muithla a awm dawngah ni – athaan. 7

III. Pathen kah ram tah celtuih cabu ah celtuihthli kah phawngna dawngah awlpui akawnglam la awm – 1:3, 8:12, 14:22, 19:8, 20:25, 28:23, 31.

- A. Aka thoukoep Khrih tah hin sawmli tue khuiah celtuihthli tengah atuengkoerna dawngah "Pathen kah ram oen aka tuhkai thaihuthli te athuina akawnglam tah ram he celtuihthli lawng aka lawham koei penticost coengah atuihzoeihna dawngah aphawng ham awlpui akawnglam la awm poen ai tite athuingaihna la awm – 1:3.
- B. Awlkhueh thai ningla Pathen kah ram tah n'huh thai, daubenla aka awm ram nawh ni. Atang tang ah Pathen kah ram tah athlaanghingla awm tih, Bawipa Jesu Khrih amah roe la awm – Luk.17:20-21.
- C. Thlangboelthli oen Pathen kah ram tah thik at la haih cet. Thlangboelthli tah aka thoukoep Khrih kah apungtaina rangoen athawn vathoeng tih, hetah tihin dilai sawah Pathen kah ram hamla awm – Cel.14:22, 20:25.
 - 1. Muithla rangoen ahubaangthli kalawng patoeng vaan luina dawngah amah roe he aka pungtai sakkungla aka thoukoek Khrih tah Pathen ram kah asoengna la awm – 1:8, 8:12.
 - a. Thlangboelthli tah Khrih kah abou akauna la awm tih, Bawipa tah Pathen ram kah tii mu la amah roe te tuh hamla aka law thlaangla awm. He he awlthangtheen capatthli dawngah a awngna la awm – Mar.4:3,26.
 - b. Awlthangtheen capatthli dawngah Khrih tah ram tii mu la vacoeng. Celtuih cabu ah he tii mu tah Pathen kah ramla thlangboelthli te thawn hamla apungtaina te mami lawng n'huh – 8:1, 12, 13:1-4.

2. Thlangboelthli ah aka awm mami tah Khrih kah apungtaina oen Khrih kah abou kauna la awm tih, mami tah Pathen kah ram abou kauna la ng'awm u – Awl. 1:9, 11.
- D. Pathen kah ram tah oengcathli khuiah hingna la Khrih kah apungtaina la awm tih, Bawipa kah hingna dawngah Pathen uk thaina aka awm ram te athoengsak nala awm – 2Pit. 1:3-11.
1. He ram khuiah pha hamla thlaangthli lawng amami kah thawlnathli kalawng zut tih, awlthangtheen dawngah a oengna hamla angoe, tedeah ni himi kah thawlnathli te khawdawk angaai vetih, tedawngah himi tah Pathen ben hingna la aka awm he ram kah Pathen ben coengna oen aka vai hingna te dang hamla Pathen rangoen athai cuunkoepna n'dang thai ai – Mar. 1:15, Joh. 3:3, 5.
 2. Khrih dawngah oengcathli boeih tah thangboel dung dawngah Pathen te Bawipa kah doengna, ngaimawngna oen Ciim Muithla dawngah aka awm awmngaihna la a awmngaihna hamla ram te a rekra ahutawng thai u – Rom. 14: 17.
 3. Pathen kah ram tah aka lawham koei dung dawngah aka taa oengcathli lawng roura apang tih a awmngaihna hamla Khrih kah ram oen Pathen kah ramla vacoeng vetih, himi tah Khrih oen haih kum thawngkhat puer ah a uk thai u ai – 1Kor. 6:9-11, Kal. 5:19-21, Efe.5:5, Awl. 20:4, 6.
 4. Dungzaan ram la Pathen kah ram tah dungzaan khui puer vaandawng thai oen dilai thai dawngah Pathen kah atuekthli boeih hamla Pathen dungzaan hingna kah dungzaan zouthenna la vacoeng poen ai – 21:1-4, 22:1-5, 14, 17.
- E. Celtuih 14:22 ah Paul lawng oengna dawngah aka awm u oengcathli lawng zouthenathli kalawng patoeng mami tah Pathen kah ram khuiah n'pha ham tite reenna n'bih, akawng tah dilai pum boeih lawng mami kah n'phana te aolh dawngah ni. Pathen ram khuiah phana tah ramla Khrih te betoetla awmngaihna khuiah n'pha hamla awm.
- F. Celtuih 19 ah seitian lawng dilai kalawng Pathen lawng Bawipa kah ram apungtaisakna te akalh tite mami lawng n'huh. Khrih kah apungtaina hamla aka taa bibina tah Pathen kah ram hamla raltukna, raal poei pakhat la khaw awm – athaan. 23-41.
- G. Celtuih 28:31 ah Paul lawng Pathen kah ram te apaangpuina tah aka thoukoep Khrih kah apungtaina la awm.
1. Hetah Bawipa Jesu Khrih oen aka tuhkai thaihuthli te cangpuina ati kah awllung rangoen atuengsak tih, hetah Pathen kah ram oen thik at la haih aka cet thaihuthli la awm – athaan. 23.
 2. Khrih oen aka tuhkai thaihuthli te cangpuina tah Pathen kah ram te apungtaisak nala awm. Tedawngah Pathen ram he atang tang atah aka thoukoep Khrih kah apungtaina – tihin oengcathli kalawng patoeng aka awm phaak akhuen hamkoei - laawngzaw la awm – athaan. 31.